

潛齋醫學叢書十四種



四明曹炳章校

顧體醫話

願體醫話良方序

舅氏俞公桂庭雖不業醫而喜讀軒岐之書捐館後雄于遺篋中檢得願體醫話一卷繹之皆時醫藥石之言多急救全生之法惜其簡略疑非完書度而藏之者二十年矣前年許子領三以摺臣先生原稿持贈乃知本無殘闕先舅氏僅刪陰證一條尤為有識增補諸方亦皆精妙夫肘後鷄峯世人罕讀病來倉卒醫輒茫然近惟種福堂選方養生經驗二書最稱善本海內風行茲編雖簡頗有補二書所未及者胡敢秘耶爰付攻木之工以公于世憶昔在藝舅氏嘗遺書訓雄曰凡病治愈須存底稿雄遵而行之迨癸卯冬故人周君光遠選刻拙案二卷曰回春錄甲辰之案張封翁信堂題曰仁術志至庚戌踵成八卷今春楊大令素園重為刪定詳加評點慨捐鶴俸合梓于宜黃縣署總題曰王氏醫案凡十卷而舅氏皆不及見且雄才識疎庸不能深造將何以慰曩時之屬望耶校此遺編能無於邑

咸豐紀元辛亥閏月王士雄謹識于潛齋

願體醫話良方目次

醫話十二則

解諸服毒

解諸物鯁

解吞五金

救縊死法

救刎死法

救溺死法

救凍死法

救熱死法

救壓死法

附跌打損傷

救魔死法

救嚇死法

救中惡法

救湯火傷

救金刃傷

附銃鎗諸刺

救破傷風

救諸物齧

救醉死

救薰死

咽喉急證

牙疳治法

霍亂急證

腫脹溺悶

一切癰疽

顧體醫話良方

揚州史典摺臣著

仁和俞世貴桂庭參補

錫王士雄孟英校訂

人之嗜好各有不同。余每遇裝金塑像。心知好事而踴躍不前。見疾病之人。則周旋圖救。而富厚者雖得沉疴。不甚關切。遇貧寒者。縱係微疾。儼如身受。蓋富厚者延醫有資。購藥有力。主病有人。驅使有僕。何難拯救。至若貧人以身覓食。一朝染病。不但醫藥無資。甚且饑寒莫繼。病愈沉重。心愈焦勞。往往延接莫救。興言及此。為之墮淚。但恨力薄。不能施濟。聊繼前志。延醫診脈。送方。揚城施藥。不乏其人。然或詩書子弟。素封後人。一時落魄。而故舊滿目。體面猶存。不肯入藥局。當施捨二字。隱忍而不赴局者。有之。余設法體貼。使雅俗咸宜。常署其門曰。人之最苦。無如疾病。呻吟痛楚。非藥莫愈。夫病不患無良藥。而患無良方。每見藥餌誤投。反增其病。愚久懷送藥之心。因無送藥之力。數年以來。自五月起。至九月止。延請明醫。分暇半月。診病切脈。內外大小。對證立方。奉送。但諸公就視。非為省其醫資。庶可免於錯誤。如肯惠然而來。每日午前接教。將此刊刷。徧貼通衢。又慮真正貧人。得方不能措藥。乃制丸散膏藥數種。再察其衣不蔽體。而帶飢容。多寡量助。惟恨不能親為吮疽煮藥耳。家人晒余婆心過切。不憚勞苦。余曰。不然。人無貴賤。同歸土。吾非斯人之徒。

與而誰與如丁巳年間揚境瘟疫甚行一時當事以及好義者多捐資施藥余因慨歎就醫者皆兩城附近之人其窮鄉僻壤何能遠涉縱或父兄子弟代為取討無論未經切脈不無有誤且有並無親人之解寡孤獨以及舉室染病之家湯水無人接遞況遠來求藥乎且風俗日澆每遇時疫輒慮傳染雖骨肉亦有視如陌路者余聞之憤激邀醫同行令僕從肩藥並帶藥引等類每至一村幾無烟火推柴扉虛掩守犬空鳴召人診視方扶攜而至皆蓬頭垢面感頰呻吟全家病者即就臥榻切脈撮藥各置枕下以錢呼鄰煩其煎服日涉數十里然余固無恙也有相愛者謂余太輕身余因曰嗜好不同吾亦行吾之所好耳雖然天下不無同此志者幸勿惑於傳染之妄言而廢其初心卽以余驗之可知其妄矣

俞桂庭曰天下第一好事莫如救人之命醫者存心濟世卽為救命之人救窮人一命功勝救富人十倍蓋富者原是養尊處優之體而窮人趁工度日病一日則少一日柴米之資焉能有餘錢以延醫服藥乎故誤藥以殺窮人其罪亦浮于誤藥以殺富人富人雖死其家尚溫飽也窮人死後必致父母無養妻兒離散醫者不察往往視貧病而疎忽見富貴而慎重殊不知貧病尤當慎重也摺臣先生之語真藹然仁者之言切中時弊之論惟望有力者仿其春秋設局如遇時疫流行之歲實藥赴鄉沿門施診更望

為醫者實心詳慎出心與出力陰德相侔吾鄉向有常年施診之局而延請名醫務宜崇實勿圖脩俸之廉勿尚虛名之輩當求實有學識而敦品行者庶不虛其利濟之功若當道者能身先倡率廣為勸募要立章程行諸遐邇仁民之政端在斯歟

一病有一藥可治一證有一方可療常見有病者而難遇其方有方者而不遇其病余謂天下奇方頗多經驗者縱有濟世之心焉能逢人說項吾意擇一廟宇書其明曰施藥不如施方凡有效驗藥方勸其抄寫明白實貼廟內使有方者得以利濟而有病者可免沉痾久而祕方彙集人人皆知某處有方對證檢用未必非恤人疾痛之一端耳此謬竭一得之愚不過休戚相關之念儻有同心設法舉行亦惠而不費之事也

俞桂庭曰摺臣濟世之心可謂無微不至矣如此求方其法甚妥而最可鄙者得一良方祕而不露忍使靈丹湮沒坐看奇病危亡昧理喪心無踰此極更有藉此謀利需索重酬市井之徒固不足怪號為儒者亦爾效尤富病尚可求生貧病使之待斃撫心自問罪可逃乎宜鑑斯言亟為造福紀文達公云南皮瘍醫某藝頗精然好陰用毒藥勒索重資不饜所欲則必死蓋其術詭祕他醫不能解也一日其子雷震死今其尚在亦無敢延之者矣或謂其殺人至多天何不殛其身而殛其子有佚罰焉夫罪不至極刑不及殛惡不至極殃不及世殛其子所以明禍延後嗣也又云歙人蔣紫垣善解砒毒

因秘其方以索重價致遭其譴皆可為醫鑑也

嘗聞有是病卽有是藥但些小之恙自可藥到病除一遇疑難之證認為寒者投熱而不應認為熱者投寒而不應認為虛者投補而不應認為實者投瀉而不應雖廣延諸醫而主見各異此際吉凶反掌令人茫無適從萬不得已惟有不膜藥一著聽其自然看其動靜再為斟酌然又孰肯坐視不救而竟委之大數哉勢必朝秦暮楚遇藥則投直至氣絕人亡而後已興言及此不勝扼腕有飾其詞曰古人渾樸其疾顯淺易治今人尖巧病證幻出難圖余曰不然從古及今醫聖醫賢無理不闡無書不備總由後人學識未到審證未真若肯以外貌應酬之工用於內求誦讀之際推尋奧妙研究精微審醫案搜脈理一思百慮感而遂通則鮮有不能取效之證今僭創一議無論內外大小一年之中豈無一二奇證若懷之胸臆則近於祕道不傳若登之東梨又礙于少難成帙何不於三五知己中每於歲底各出所治奇病現何證服何藥如何療如何愈共成一卷以為醫案每年增廣亦是不朽之舉庶使後人有跡可循而無識認不真之憾其功不在盧扁下也然近日又有一種時弊凡遇疾病危險諸醫會集其中學術平常者不過輕描淡寫而已識見高明者若欲另立意見惟恐招人妒忌萬一不效又慮損名瞻前顧後亦是大同小異了事殊不念上天賦我聰明才智若臨證之際不費一番思索不用一番心血代天宣化救濟

蒼生止於此中求富貴顧聲名以他人性命痛癢無關生死聽天清夜思之能無自愧
俞桂庭曰王載韓云前醫用藥未效後之接手者多務翻案以求勝之久寒則用熱久
熱則用寒久瀉則用補久補則用瀉以為取巧出奇之計然而脈與因故在也苟據脈
審因確見前醫識力未到自當改絃易轍以正其誤若不據脈審因而妄生歧論祇圖
求異於人而網其利竟置病人吉凶于度外其居心不可問矣

又按古云不服藥為中醫不過良醫蓋若弗藥蓋醫理深微非上智不能討究以百人
習醫無十人成就成就之中無一人精通得一明醫談何容易然事在人為貴乎自立
如王甥孟英之銳志于醫也足不出戶者十年手不釋卷者永夜通年在藝屢起危疴
藉有聲名後生可畏余每聞而喜躍所有歷年治驗曾令其須存底稿而摺臣先生亦
有此話可謂先得我心世之為醫者遵史氏之格言效吾甥之苦志出而問世必可加
人一等也

一本草雖有別名而取用貴乎通俗若圖務博矜奇令人模糊費解危急之際誤事不淺
且書有急救良方簡便奇方之稱皆欲速取其效以救也若反用疑難名色豈不與救急
之意相悖乎余謂不獨字義務要淺近而藥品之似是而非者亦當辨別即如象貝類川
貝薑黃類鬱金之類難以悉舉更有偽雜如栗樹枝充桑寄生樟腦入冰片染松脂以代

血竭煉白鹽以亂秋石之類若不察真偽而誤服之豈能療病又如藥引中生薑幾片燈草幾莖之類余意須下分兩為是蓋片有厚薄莖有短長過與不及均難取效再如煎藥宜各藥各銚不可同他人混雜恐彼煎攻伐我煎補益彼煎溫熱我煎清涼豈不大有相反譬如酒壺衝茶雖不醉人難免酒氣又本草蒙詮云醫藥貿易多在市家諺云賣藥者兩眼用藥者一眼服藥者無眼可不慎歟

俞桂庭曰陳文恭公云史君飽諳世故曲體人情其言質直而透切智愚易曉余謂惟有大學問故能曲體人情凡是大文章無不智愚易曉顧雨田亦云國家徵賦單曰易知良將用兵法云貴速我儕有工于草書者醫案人或不識所係尚無重輕至於藥名則藥肆中人豈能盡識草書乎孟浪者約略撮之而貽誤小心者往返詢問而羈延凡我同人書方之手必須清爽庶免他虞

酒能傷人好飲者每每視為迂說余觀戰國信陵君得罪于魏亡趙度不能自免終日飲醇酒近女色以求速殞可見古人藉酒自斃其為傷人可知今人不察終日醺醺風酒未醒新卮又進漏盡方休午餘復集甚至廢寢忘餐腹中微有糟粕其不為腐腸之藥也幾希俞桂庭曰宋劉元城先生云余初到南方有一高僧教余南方地熱而酒性亦熱今嶺南烟瘴之地更加以酒必大發疾故余過嶺即合家斷飲雖徧應水土惡劣他人必死

之地余合家十口皆無恙今北歸十年矣無一患瘴者此其效也蘇文忠亦云器之酒量無敵今不復飲矣按此則酒惟北方或嚴寒之令可略飲以禦寒氣世人誤謂可以辟瘴疫是抱薪救火矣又凡造酒麴者必取諸草汁以和米蘖而成其草初出之兩葉尖者屬陽性烈而味辛可以造麴初出之兩葉圓者屬陰性涼而味或酸或苦皆不中用也故酒性純陽大冷不冰有助慾火燥真陰昏神明釀濕熱之四大弊又吹劍錄云易惟四卦言酒而皆在險難需需于酒食坎樽酒簋二困困於酒食未濟有孚於飲酒可見酒乃人生之至險也可不戒哉

焚香品茶稱為韻事余按本草茶性苦寒銷厚味解宿醒有尅無補故能化積滯膏粱之輩原宜藉以宣清藜藿之腸易以當其鋒鏑伐胃傷脾久飲必傷元氣馴至飯食漸減胸腹虛膨積飲停痰漸成錮疾深況日久無藥可療在西北之地以茶療疾因貴重而飲之者甚少惟江浙一帶既為出產人多好之間有不飲者即謂為俗人而大戶女流喜吃梳兒茶汁未飲而渣先呖上行下效僕婦使女不論老幼盡皆酷嗜以致面色如金將潤澤容顏變作焦黃面貌豈非消耗脂膏之明證乎但人止知酒能困人而不知茶亦傷人故戒茶之說從來未有余特敢為世告願尊生者知茶之為害薄其味而不過飲俾脾胃不傷未必非保生之一法也

俞桂庭曰既稱韻事僅可偶爾為之人人而癖之旦旦而飲之有何韻哉況其為用也專為解渴渴因於火或暑熱之外燥或五志之內燼或膏粱之過度或勞役之火升藉以消煩何妨暫飲苟為耽嗜後悔徒然

世間惟財與色最是耗人精氣速人死亡而方士之言曰金銀可點化以濟壽少女可采補以延年既快嗜欲又得長生何憚而不為耶試以情理度之恐無此太便宜事不敢信也不可惑也

俞桂庭曰死生有命富貴在天皆不能以人力謀也既富貴矣又欲長生一念之貪方士得以售其術古來惑於爐火者無不傾家惑於采補者無不喪命愚夫接踵可不哀哉呂氏春秋云所謂長生者非能短而續之也畢其數也欲畢其數者惟積德其庶幾乎點化采補皆損德之事其得禍而速死也宜矣

獨宿之妙不但老年少壯時亦當如此日間紛擾心神散亂全藉夜間安睡以復元氣若日裏心猿意馬控制不定及至醉飽又復恣情縱欲不自愛惜如泥水一椀何時得清俞桂庭曰此從來卻病保生延壽之第一仙方也此外並無丹藥別求秘訣皆是愚人服金石酷烈之藥必至殞命即坐功服氣往往致疾損目人能清心寡欲無暴怒無過思自然血氣和平卻疾多壽譬如火爐置風中則易滅置靜室則難燼此是定理

俞桂庭曰閱微草堂筆記云金石燥烈益以火力亢陽鼓盪血脈僨張故筋力似倍加
強壯而消鑠真氣伏禍亦深觀藝花者培以硫黃則冒寒吐蕊然盛開之後其樹必枯
蓋鬱熱蒸于下則精華涌于上涌盡則立槁耳參同契爐鼎鉛汞皆是寓名方士轉相
附會貽害無窮而不知神仙惟有丹訣無丹方也觀此則本草經之長生不死云云皆
後人附會也

人知復能補人不知亦能害人貴介之家平日淫欲事時有一當病發卽疑為虛重投
人復大寒大熱俱伏在內始而以復治病既而用藥治復病可治復難治是兩病也雖有
扁鵲莫措其手慎之慎之

俞桂庭曰藥之弊莫甚於復富貴人之不死于復者鮮矣史君之話可謂洞見癥結
冀清值錢不過以其歲月久耳人多略而不置使每年收貯數壘待澄清之日廣行利濟
在受者不虛其假與者不傷其惠亦何憚而不為耶予是在小莊收藏數十壘每年臘月
以新易舊取用源源不獨痘門熟證之要藥更救一切服毒以此推廣不費之惠豈止一
端今將奉送金汁小引附刻於後願同志者仿而行之引曰金汁一種痘門熟證在所必
需服毒垂危尤難猝辦臨時卽用重價購求尤恐真偽莫辨難以取效豈不誤事無力之
家偏僻之處更難趲期應用不佞曾於小莊埋制數壘願以濟世凡遇貧而難覓者幸為

指引以便相贈但為數有限望囑其量證多寡取用庶不致浪擲可惜耳此乃惠而不費之舉非敢博利濟之功也

俞桂庭曰史君華華為善體貼入微讀其書可想見其為人惜余生也晚不能負笈從遊然千載之後猶可聞風而興人之善心焉所云不費之惠豈上一端他如膽星亦屬易制冬月醃芥酒亦可壘埋野菊茼蒿木芙蓉之葉年年可採龍眼之核隨時可蓄不費錢而又不費力皆可以治大證諸如此類仁者識之

倉卒救人方藥凡友人相傳用之有效者刊之惟恐不速惟願見余書者廣為告佈雖客程旅舍亦宜抄而黏壁使人人知有救急之法必有因此而全活者矣傳方者豈無功乎
解砒霜毒

薑清灌之最妙

真綠荳粉

淨黃泥各四兩俱細篩

生雞子清九個

三共一處以浸綠荳冷水和稀服若有

黑羊血再合碗許更妙

凡服砒之人不可令其睡臥恐毒流四肢難治愈後百日内忌烟酒薑椒煎炒一切辛熱之物方無後患

俞桂庭增補

南天竹子四兩搗水服之立活如無鮮者用乾子煎湯冷服亦可或以防風一二兩煎湯浸冷灌之

雞子一二十個打散入明礬末三錢攪勻灌下即吐出

大黃兩生甘草

錢五

白礬

兩一

當歸

兩三

水煎

數碗

冷飲之

立時大吐

或大瀉

而生

否則毒入

於臟而死

黑鉛

兩四

用井水

於石上磨

出黑汁

隨磨隨灌

候吐盡

方無患

解銀銷水毒

烏梅煎濃湯服即解

俞按銷銀脚也一作釉或作黝性主腐爛皮肉今人每用以去痣點之即落此物入腸胃非比砒藥諸毒一酷烈並無屑齒豁裂七竅流血之外傷可以核驗係黏著腸胃漸漸腐爛令人如患病狀或半月一月而死仍無傷痕可據洗冤錄中如此說

生羊血灌之吐盡即解

黃泥水服二碗可解

每日用鉛糖四兩作小丸不時以真麻油吞下亦可瀉其毒出須患者服過百日外方

無慮

解鹽酒毒

宜先搗肥皂汁和水灌之即吐如吐未盡灌熟豆腐漿少頃即吐如腐形而愈

雞蛋一二十個打散入生大黃末五錢攪勻徐徐灌下以利下即愈

以下俞增

白糖霜多吃即解

解河豚魚毒

多服金汁即解或以香油灌之吐出即愈

橄欖煎濃湯服

以下俞增

槐花煎服

解野薑毒

多服金汁即解或以地漿灌之

橄欖搗為沉食之

以下俞增

甘草汁磨紫金錠服

附解鴉片毒

自鴉片烟之毒流行而於水火刀繩砒酒之外更添一速死之途且近今之烟無地無之其死於此者反較水火砒繩為尤衆也殊不知此物雖毒而向吸其烟者久已與臟腑之

氣相習即素不吸此而體氣堅強或服烟尚少毒不甚重者治之得法竟可復蘇故凡服烟而死者雖氣絕亦多可救邇來廣東新刻套板洗冤錄內明著救治方法曰輕者心中發躁但用活鴨血或薑汁或醬油或涼水或明礬雄黃研末或肥皂煎湯灌之無弗愈者若服多毒重身冷氣絕似乎已死但肢體柔軟則藏府經絡之氣仍是流通實在未死速將屍安放陰冷無太陽之地一經日照即不可救撬開牙齒用箸橫在屍口將金汁或涼水頻頻灌之再以冷水在胸前摩擦仍將頭髮解散浸在冷水盆內自然漸活曾目擊救愈多人凡七日之內身不僵斃者切勿棺斂云夫洗冤錄為官中驗用之書非無稽傳說可比儻肯廣為流播實今世活人第一要事試思未死活埋之苦則傳播之心不能已矣辛亥秋月存心堂補

雄按身不僵斃切勿棺斂一語凡一切卒死之證皆宜遵此未死而誤斂者豈獨服生烟之人耶意再按觀洗冤錄救治之法則鴉片烟性之熱毒等於砒鴆故一經日照即不可救而世人謂其性冷豈不妄乎

附解鶴頂鴉羽毒稞米煮粥搗爛過量吸之極效

魚刺鯁喉

多食橄欖即下 橄欖核磨服亦可

大蒜一瓣切去大頭鯁左塞右鼻鯁右塞左鼻以下俞增